



10799

瓦卮集卷三

衡山彭坊儀所撰



引

募修望嶽林佛像引

△通△篇△主△齋△

環嶽而寺者無慮數十百千皆在湘之西蓋祝融  
主嶽天柱紫蓋石廩朱陵方廣之博大幽深雄奇  
峯嶺湘之東無之若曉霞鳳凰名在七二之數不  
足當湘西之十一若寺若庵若觀又不足當其百  
一矣余居湘之東酈道元水經所稱武陽鄉也今

瓦卮集卷之三

一

其名仍之每當春和景明出題妙秋涼暑退欲偕同人出

遊輒苦無憩息處閒至望嶽林修廣不數笏兩山

交擁樹木翳翳殊無遠致龕列佛菩薩十餘像煤

始被之金衣漸就落余不樂思去僧曰寺自經始

至今百餘年龕像木質也蟲齧之窳如針孔累累

古交者不能

造潔俗而雅非深於

手捻之若敗絮稍拂拭則片片應手落如木枋然

微像幾不庵矣予盍假余文募諸檀越余曰諾僧

△開△後△平△篇△被△欄△

因導余升東麓而望才數武異境漸開近則曉霞

擁其西峩山峙其南湘之西如祝融紫蓋天柱石



廩之博。大幽深。雄奇萃嶺。皆若獻翠。効奇於茲山之前。可手探而足躡者。余乃浩然曰。子不乞。余文。余幾忘是寺之所以名望嶽者。且夫嶽。延袤數百里。跨長衡。兩隄。况茲山。距祝融數十里。而近湘水。帶之。雖數笏地。何渠非環嶽而寺者歟。亦數十百千之一也。諸檀越。皈心淨業。將修無漏。因果豈其錙銖之靳。若余則有會於嶽。且喜歲時遊憩之有所也。

學韓歐而得其似。要其派亦自史遷來。

瓦卮集

卷之三

二

解

重訂史記歷書解

余偶閱史記歷書。見凌稚隆所輯評林。註多訛字。訛句。如日得甲子。註中三百八分。當作三百四十八分。九百三十八分。當作九百四十分。蓋歷法以九百四十分爲一日也。又其閒意尙有未盡者。因略爲改正。并以己意補釋如右。

史記歷書歷術甲子篇云。太初元年。歲名焉逢攝提格。謂甲寅也。月名畢聚。謂十一月也。其實太初



歷建寅此十一月尙屬甲寅前一年癸丑緣歷元起數必從子始故此預書明年歲名。

云無大餘無小餘者謂十一月之朔也蓋歷法必以至朔同在甲子日先期夜半之年爲歷元此年十一月朔恰是甲子前此全無餘分故云無大餘無小餘也。

下文再云無大餘無小餘者謂冬至也至與朔法異故兩列之此年冬至恰是十一月甲子朔旦夜半前此亦無餘分也。

瓦卮集卷之三

三

重書焉逢攝提格太初元年者謂此年建寅之月以後也歷法之元必從子月起數前書太初元年焉逢攝提格是也漢自太初歷始改建寅此書焉逢攝提格太初元年是也。

大餘五十四者一年十二月從上年十一月朔數至今年十月晦六大六小合三百五十四日以甲子一週六十除之五六三十除三百日餘五十四日未滿六十故云大餘五十四也。

小餘三百四十八者每月二十九日又九百四十



分日之四百九十九積十二月爲五千九百八十八分以歷法九百四十分爲一日得六日尙餘三百四十八分故云小餘三百四十八此是通計一年十二月合朔之零數故後總云小餘者月也

再書大餘五小餘八者一歲三百六十五日四分日之一從今年冬至數至明年冬至前一日以六甲除之六六三十六除三百六十日尙餘五日故云大餘五也又餘四分日之一以一日分爲三十二四分日之一是八故云小餘八也 前所載小

瓦卮集 卷之三

四

餘是將一日分作九百四十此所載小餘是將一日分作三十二其分數不同者日原無一定分數緣日有奇零歷家分之以便算耳卽謂此小餘爲二百三十五亦可蓋將九百四十分而爲四則每分爲二百三十五也

每年書大餘小餘者每年除五甲子餘五十四日爲大餘逐年遞加滿六十則除存其零數俟明年再加其小餘每年三百四十八逐年遞加滿九百四十則成一日除去九百四十歸一日在大餘數



內存其零數。若係閏年之後一年，則大餘止有二十三。小餘有八百四十七。其除法歸法，全同。其每年大餘恰滿六十，除去無零數，則書大餘無。小餘恰滿九百四十，除去無零數，則書小餘無。其每年第二次所書大餘，亦滿六十，除去存其零數。小餘滿三十二，成一。日除去歸在大餘數內。此書總以甲子爲主。故前總題云：歷術甲子譜。其每年前書大餘小餘，爲算將來月朔逢甲子。後書大餘小餘，爲算將來冬至逢甲子。朔至同在甲子。瓦卮集卷之三。

五

日之先期夜半，則爲一千五百二十年爲一紀。然歲首猶非甲子也。積三紀四千五百六十年，至朔同是甲子日之先期夜半。又在甲子歲首總會如初，是爲一元。

閏年之後一年，大餘止二十三。小餘有八百四十七者。蓋一年十二月爲三百五十四日，又九百四十分日之三百四十八，加閏月二十九日九百四十分日之四百九十九，合之得三百八十三日八百四十七分。除六甲爲三百六十日，餘數得此也。



其所以必在閏後一年者竊意太初歷雖改建寅而置閏或仍用秦法總置在一年之終則當是閏十二月也。歷法以建子之月起數故將閏月置在次年數內算。

縷析條分非息氣精心人不辦

譜

彭氏得姓源流攷

中間世次未能盡詳攷諸舊譜參以史記世本左傳國語諸書大端備矣。

瓦卮集

卷之三

六

顓頊高陽氏 史記五帝本紀云顓頊者黃帝之孫昌意之子也。

稱 顓頊子今按史記舜本紀云顓頊生窮蟬下至舜五世而楚世家云顓頊生稱然則窮蟬其嫡子而稱其支子歟。

卷章 稱之子世本作老童樵周曰老童卽卷章生子二曰重黎曰吳回重黎爲高辛氏火正能光融天下命曰祝融。

吳回 卷章次子代其兄重黎爲火正亦曰祝融。



生子陸終

陸終 吳回子。娶鬼方氏女。生子六人。其第三子

曰彭祖。

彭祖。虞翻云。名剪。彭姓。封於大彭。是爲彭氏得姓

之始。

史記楚世家云。陸終生六子。長曰昆吾。二曰參胡。

三曰彭祖。四曰會人。五曰曹姓。六曰季連。彭祖氏。

殷之時。嘗爲侯伯。殷末世。滅彭祖氏。前漢書地理

志。楚國彭城縣。註云。古彭祖國。後漢書郡國志。亦

瓦卮集 卷之三

七

云。彭城。古大彭邑。彭城。在今江南徐州府廣輿記

云。州城北有彭祖墓。又城西北隅有彭祖井。蓋祖

舊宅也。坊按鄭國語云。祝融之後八姓。彭姓。彭祖

豕韋諸稽。然則彭固古姓。其封域適與姓合。非以

國爲姓者。稱大彭當在殷世。國語云。大彭豕韋爲

殷伯。殷滅之。與史記正合。

祝融之後八姓。其已姓。彭姓。妘姓。曹姓。芊姓。皆陸

終之後。其三姓。爲董。爲禿。爲斟。意其重黎之後歟。

攷諸史記。重黎吳回皆爲祝融。而吳回止生陸終。



故知八姓爲二人之後。又陸終第二子參胡。其後無傳。大戴禮帝繫篇云。參胡者韓氏也。

大戴禮五帝德。堯舉舜。彭祖而用之。合諸史記所紀載。彭祖之生。當在虞夏之前。論語孔子曰。述而不作。信而好古。竊比於我老彭。包註云。老彭。殷賢大夫。朱子集註。因之大戴禮虞戴德篇。亦有殷老彭之語。然則老彭之爲殷人也。審矣。老彭與彭祖。自是兩人。

大彭在殷時。猶爲侯伯。蓋世德若斯之長也。世本瓦卮集卷之三

八

云。老彭姓錢名鏗。在殷爲守藏史。在周爲柱下史。意老彭生當殷周之際。爲大彭支子。別氏爲錢。非姓也。古者姓同氏異。後世姓氏不分。世本先亂之矣。老彭身爲兩朝史官。又其壽最長。故世稱老彭。世俗相傳八百歲之說。特因壽長傳會。論語疏引之。不足信也。

史記老聃爲周柱下史。孔子嘗問禮焉。計其時當在周東遷百有餘年之後。然則老彭爲柱下史之在周初也。益信。



論語疏又引王弼云老是老聃彭是彭祖爲兩人坊按彭祖之封在唐堯時孔子刪書斷自唐虞唐虞以前大都荒畧無可述孔子所竊比自是殷時之老彭當以大戴禮及包註爲定

萬姓統譜云彭氏有二大彭之後爲彭氏祝融之後八姓亦有彭氏坊按大彭卽祝融八姓之一姓譜誤矣國語云彭姓大彭豕韋諸稽然則彭姓之別有三皆祝融後其後豕韋又別自爲韋氏江西舊譜云豕韋諸稽皆大彭別封相繼爲殷侯伯

瓦卮集

卷之三

九

左傳成公二年五霸註云夏昆吾殷大彭豕韋周齊桓晉文朱子註孟子引丁氏說亦同皆據鄭國語文也詩長發篇韋顧昆吾鄭箋云韋豕韋彭姓顧昆吾皆已姓正義曰鄭語彭姓豕韋則殷滅之矣又云豕韋爲殷伯蓋湯伐之不滅其國故子孫得更興爲伯也

前漢書古今人物表陸終列第二等註云生子六人三曰彭祖世次在唐虞之前老彭列第三等在殷時又有大彭亦列第三等在老彭畧後然則彭



祖為始封。老彭、大彭皆其後，而大彭自為侯伯。老彭又自為史官，不得相混也。明矣。

前漢書彭宣淮陽陽夏人。陽夏今為河南陳州府太康縣，陳州國初屬

開封，後升為府。坊按淮陽在漢為王國，漢高十一年立子

友為淮陽王，罷潁川郡，頗饒益淮陽。其後遷徙廢

置不一，終前漢之世，未嘗為郡也。今吾彭氏族望

稱淮陽可也。稱淮陽郡非矣。然祖宗以來相沿已

久。則只

得且從俗稱郡耳。

瓦卮集 卷之三

十

姓譜載彭氏族望為隴西。江西通譜云：楚文王有

賢大夫彭仲爽，秦滅楚，遷其大姓於隴西。彭其一

也。彭之稱隴西郡，蓋始於此。

井井羅羅不誣不漏

墓誌銘

鄉貢士侯銓教諭熊公墓誌銘

國家以科目取士，每歲校諸生食餼之先後而敘

貢之為歲貢，或六年，或十二年，督學試諸生，拔其

尤者而進之國學為拔貢。遇覃恩則有恩貢。三



年鄉試自正榜外有副薦爲副榜副榜與恩拔兩貢咸得注名吏部以教諭用然而缺不日增人日益多於是有人在籍候銓至二十餘年不能得或遂不幸以死者此余於誌舅氏熊公楚重之墓而不禁慨然歎息也公諱之珩別號玉峯楚重其字也先世爲江西豐城人至二十一世壽公始遷衡山考九萬公二歲失怙恃寄養外家伶仃孤苦迄於成立妣金氏生子五公其三也公生而穎異讀書目數行下弱冠補諸生抗顏爲人師從遊者衆中

瓦卮集

卷之三

十一

雍正己酉鄉試副榜嗣是屢赴鄉闈不售邑侯謝公聘主雩峯書院日進諸生課讀之諄諄先立品敦倫大書朱子鹿洞學規於壁出其門者皆端慤謹愿文學其餘事也公於六經四子諸書深探力索摘取諸儒先語錄旁批小書幾二萬餘言曰吾一生精力盡在是矣與其制義詩古文詞俱藏於家公又嘗病其先世譜牒散佚手輯成帙授梓著家規數十條兼採三禮暨温公家儀紫陽家禮諸書族人凜遵罔弗率蓋公之施於家者效矣而其



生平諱中必敘此處敘法

被於人者未及為也。公之卒也。以乾隆癸酉距其鄉舉之歲二十有五年矣。距其生之歲六十有二。

通人論

年矣。余嘗以謂科舉取士之法。千年以來不能易而人才壅滯積薪之歎。司銓選者宜稍有所更易。

議亦通

於其閒也。如公者豈不可長歎息耶。公昔與曠庶

率連奇慨神似

常敏本同受業於先君子之門。今庶常棲遲深山

史公

而公又賚志以歿。此余所尤不能無慨然者也。公

娶向氏。先公卒。二子鉉才鑑才。以公卒之第三年

乙亥十月廿四日子時葬公於某處。與向孺人同

瓦卮集 卷之三

三

塚。余於公為三從外甥。知公為詳。故不辭而為之

銘銘曰

湛盧純鈎。用不及其鋒。折而掩諸鬱寶。氣乎土中。

湘洙之滙。穹然而隆。公之墓耶。公後嗣其昌熾。古

稱不於其躬耶。

余以丙子年作此文。又十年而朝廷有大挑

之例。選法為之一通。自記

誌銘中變調也。神韻乃在秦漢之閒。

先兄旭齋墳誌



兄諱城字系初號旭齋先世詳先黃州府君行述  
中先府君以康熙辛丑進士任黃州府教授母熊  
孺人生不肖兄弟三人長卽兄次不肖坊次弟墉  
兄生而穎悟絕倫讀書目數行下幼隨先府君任  
黃州親承辟呬之教作文井井有法度年二十一  
補弟子員自是沉淪諸生者二十年年四十以疾  
卒兄自以高才偃蹇數踏省門不一遇乃不復理  
制舉業日縱飲每酒酣對客論古今成敗得失慷  
慨悲咤或時拂衣起行四壁週遭旁若無人親串

瓦卮集

卷之三

三

中勸以節飲輒笑頷之暇日著酒問千餘言原酒  
之始及酒肆酒器酒名酒直古今異同而其大旨  
歸於徜徉自恣嗚呼其志蓋可悲矣性剛方屢面  
折人過人亦亮其直無怨之者居家輕財好義樂  
施與鄰里多庇其德娶嫂氏丁孺人生子五長仍  
同次仍璫仍璜仍琮兄卒後遺腹生仍球女三人  
兄生康熙庚寅十月十三日亥時乾隆己巳四月  
初一申時卒以本年十一月十一日申時葬本里

鴉漣冲蟾形山先黃州府君塋之側不肖坊謹撰



兄名字行誼以掩諸幽。他時當另丐銘於當代。鉅公以傳諸後。嗚呼痛哉。

中段寫生處逼真史遷。五弟誌放聲長號。此嗚咽哽塞其哀痛均也。

### 五弟峻觀墓誌詔

嗚呼已矣。坊同氣三人。今惟存一身矣。己巳冬。旣誌先伯兄之墓。今復爲弟誌墓。傷哉痛哉。弟諱壙。字峻觀。先黃州府君之第三子。而先王父贈公之第五孫也。先王父生子二。長卽先府君。次叔父碧。

瓦卮集

卷之三

十四

卮先生叔父生子四。先府君生子三。長伯兄旭齋。諱城。次坊。次弟俱母熊孺人出。弟以雍正甲辰七月十二日丑時。生於黃州學署。其夕先君夢大星墜於臂。戊申黃郡大疫。弟適病痘。危甚。鄰舍相傳數有鬼怪。先君夜衣冠危坐達旦。迄無他。庚戌同坊出就外傳。日記數百言。是冬卽隨坊讀書。不復從師矣。甲寅坊南歸。應試乙卯。來黃省觀。後戊午庚申。兩歲連來黃。每至則復相隨讀書。如初。庚申四月坊南歸。七月先君遽罹大故。時伯兄亦在南。



弟年才十七與諸門人侍湯藥奉舍歿附身附棺  
勿之有悔嗚呼此坊與伯兄終天之痛而幸有弟  
也既奉先君靈輒南旋風雨倚廬兄弟相對未嘗  
暫離時伯兄任家督弟隨坊讀書伊吾一室午夜  
不休弟既嗜學而善病試輒不遇坊與伯兄屢以  
爲憂先是先君欲爲弟援例入國學弟不肯就後  
乙丑戊辰坊公車北上伯兄復以爲言弟堅執如  
初蓋弟自以窮年矻矻思欲得一當場屋嗚呼孰  
謂弟竟止於此耶弟自先君沒事母盡孝母亦以

瓦卮集

卷之三

十五

少子故憐之甚與諸兄弟友愛無閒撫諸姪待臧  
獲有恩性恬靜善攝養每鄉曲親串聚飲弟未嘗  
妄下箸遇事詳慎終身不見有疾言遽色於理不  
宜不壽而竟止此天耶數耶傷哉痛哉弟所作制  
義坊將擇其可存者與雜應酬文彙爲一卷曰學  
稼齋遺文藏於家往時弟嘗自題其私居之室曰  
學稼齋故以名其集云弟卒於乾隆庚午十二月  
之朔辰時年止二十有七以次年辛未十二月十  
三日申時葬本里鴉漣冲蟾形山之側蓋先王母



暨先府君先伯兄之墓皆在焉。弟初娶侯氏。邑貢士原任浙江麗水縣丞侯公甸女。繼娶向氏。邑庠生向公遴女。女一人向氏出。未字。無子。撫余之第三子。仍珦爲嗣。聘丁巳恩科進士現任陝西鎮安縣知縣聶君燾女。弟恩愛諸姪。而珦尤常置懷抱。每食呼與俱。常摩其頂曰。是兒頭類祖。病旣篤。呼余至榻。從容言欲得珦爲子。余含淚未應。弟復呼從兄雲亭暨弟階言如初。余與諸兄弟領之。旋呼珦自頂周身。撫摩久之。自弟病。吾母終日涕泣。瓦卮集卷之三

十六

未嘗離左右。弟屢以不及終養爲言。與諸兄弟言如之。彌留之際。大聲呼余。以珦爲囑。執手若依依。不忍別者。爪掐入肌肉。中痕深分許。母爲擘之。始釋。繼又呼珦至。不能言矣。摩其頂。直視久之。遂卒。嗚呼痛哉。尙忍言耶。天長地久。此憾無極。乃銜淚銘之。銘曰。

吾同祖兄弟七人。而弟之生獨苦。弟歸泉壤。應訴於兄與父。而吾祖祖母當亦爲酸辛而悽楚。雖然。死者則長已矣。而吾與吾母將何以爲懷。獨長抱。



此賦以終古

神號鬼泣烟雨迷離情至之作當與昌黎祭十

二 郎文金傳

處士丁公景石鄉諡文惠墓誌銘

公諱某某先代由豫章徙衡山凡九傳至公會  
祖某生某公祖生某公考也自公會祖以下三世  
金以文學補諸生公幼承家學染濡砥礪日澤於  
古出與有司試幾得矣以父喪歸既連丁祖父母  
喪公獨身搢拄親營葬地坐是廢學公天性和樂  
瓦卮集卷之三

七

與物無忤內坦外夷施施于于善飲酒日可五斗  
每賓從雜沓歌呼鳴嗚閒以詼諧譌語坐客無不  
歡笑以去以此終其身視名利泊如也居閒汎覽  
史傳閒作詩文要以道其胸中所得不屑屑求工  
字句稱其爲人公生於某年月日享年若干以某  
年月日葬於某山之陽娶某氏子幾人長某邑庠  
生次某某等俱習舉子業將有以鳴於時孫幾人  
公既卒其里之人與其族之秀相率哭之哀既又  
相與諡之文惠曰吾賴公活者數矣則又曰公之



教我也。時術而蛾之。於是知公之澤及於鄰而教行於其族。是可銘。銘曰。於先生於時不耀於酒。得全韜光晦德。以孕其後之賢。

遍真古文惟其有生趣也

丁翁伯奇墓誌銘

同里丁翁伯奇。將以今庚辰冬之十二月。葬距其卒季秋中旬。已三月矣。諸子介其族子。以銘屬彭坊。坊時宅內艱。以禮辭不可。而諸子請益力。且曰。瓦卮集卷之三

十六

先子生平淳謹信直。與人無忤。幼讀書未成。頗識大義。以農力自勵。嘗曰。民生在勤。勤則不匱。用是起家。所蓄較先業倍計矣。今且葬。不得先生之銘。懼遂泯滅。弗章。坊不得已。受其狀。讀之。退而詢諸其里之人。無異詞也。又退而詢諸其族之人。無異詞也。坊自惟在衰經之中。無論不文。卽文矣。而心緒荒亂。言之不詳。何足傳翁。抑諸子勤懇之意。不可辭。則姑就其所陳。及坊所詢於族之人里之人者。載焉。雖不詳乎。抑亦一鄉之善士矣。今之世士。



然。神。遠。入。家。中。極。似。曾。王。大。夫。爭。名。爭。利。者。相。軋。也。其。頑。鈍。無。恥。如。鬼。如。蜮。蓋。有。君。子。所。不。忍。言。者。如。翁。之。淳。謹。信。直。又。何。可。多。得。哉。翁。諱。某。生。康。熙。癸。亥。享。年。七。十。有。八。子。四。人。女。一。人。嫁。某。孫。幾。人。葬。於。某。處。銘。曰。生。而。勤。則。有。用。也。非。世。之。蠢。死。而。寧。則。順。命。也。爲。里。之。型。我。銘。翁。墓。蓋。不。敢。以。言。文。也。而。亦。庶。幾。乎。後。之。或。行。歟。

雅飭

歐陽永叔稱尹師魯文章簡而有法儀

岳短篇中有足當此語者

瓦卮集

卷之三

九

羅公澤南暨配劉孺人合葬誌銘

羅公澤南既卒之二十九年其配劉孺人始卒孤標松旣卜得地形家謂公先葬兆不吉於是將遷公柩合葬而以墓石之文屬余先是公葬太史响嶼曠公志其墓按志公諱湘潭南其字也先世種德積行遠有條序考諱名望字衛儕由太學生考授縣佐以母老不謁選人嘗述其先世遺德誨公兄弟與其官爵閎閱並詳縣佐公墓誌中妣李孺人後公十二年卒生公兄弟三人皆補諸生皆早



卒志又稱公性慈祥孝友純篤余幼隨父宦不及見公然世好同里且姻也而岫嶠昔從先君子遊其人有道而文其言信至今里中稱公長者津津然與岫嶠言若符契然而劉孺人爲邑明經劉公星燦女賢明有鑒識相夫課子厥有成勞孺人之卒也遺命以百金爲闔邑修公費又命修其里中之蕭家橋囑其子若孫曰汝祖父世澤遠矣其施於人者衆汝等慎無忘繼序余於是知羅氏之興未艾也乃爲之銘曰

瓦卮集

卷之三

三

羅之盛自其祖朝公始逮公十有二世一經相傳名是鵲起中閒或倅象州或以醫仕或老明經或諸生倡修文塔置田六十畝他如置義田捐金活人暨焚券者屢矣宜公之後嗣繁衍家阜儲侍也採霞雲飛湘水瀾瀾後有過者下馬而拜曰此孺人之藏而公之所徙也歟

將先世之盛敘入銘詞中亦是一法

太學生羅君墓誌銘

余嘗誌羅公澤南改葬之墓矣距今十有餘載復



誌公孫鈞五君之墓。君諱某鈞五其字也。考太學生諱標極字建三澤南公長子。其先世遷徙始末及官爵名字俱詳澤南公誌中。君幼孤克自樹立。用獲有譽於時。方建三君卒。君年未及冠。甫自書館出。卽能支持家務。喪葬無違禮。撫諸弟妹皆成立。婚嫁以時。而君故有叔四人。十年中先後棄世。年皆未及壯。孤寡滿前。挈提左右。惟君是倚賴。洎君卒而四家羣從及諸嬸氏之哭泣者聲相續不絕也。君之先以貲雄於鄉者數世。然皆馴馴禮讓。

瓦卮集

卷之三

五

讀書務農。絕無驕溢態。尤力爲善於鄉。推解之惠。無歲無之。而自澤南公兄弟三人及其子五人及君及君之弟某皆不獲中壽以死。君卒後三月。君第三弟某又以心疾死人。疑天道不可測。余亦疑之。君先娶某氏。早卒。續娶某氏。子二人。長聘余孫女。次君卒後遺腹所生。君嘗援例入國學生。某年月日卒。某年月日。年四十有一。以某年月日葬某處。某山某向。銘曰。嗇於年德。是豐歷三世。豐嗇同天之夢。夢既定則。



通君亦奚恫我銘則如是天咫必如是  
敘次確切而銘詞尤古

瓦卮集

卷之三

三



瓦卮集卷四

衡山彭坊儀岳撰

傳

文學張君傳

○起○法○  
近日浦江前賢後裔之盛則推張氏鄭氏云鄭自

宋末以孝友著稱歷宋元明三朝國史俱有紀載

無論已張氏則孟兼自爲一族其所著稱白石山

房者是而城北之張最著余蒞浦之次年學使者

少司寇周公將以試事臨婺余奉檄集邑之秀髦

瓦卮集卷之四

而試之以進於郡而達於學使而城北張生雲標

裒然舉首焉洎學使試生復以高才拔置婺郡第

一於是浦人士謂余賞識頗不謬而生亦自感其

一日之知遇一旦輯其祖若父之詩文且件繫其

父行事泣以請曰惟先生幸品隲之且爲先君子

賜一言紀其生平余自惟下車卽知有城北張氏

且又知生其何辭按狀君諱某字某號某先世爲

江南婺源人至某世始遷浦之某處曾祖密順治

甲午拔貢崇祀鄉賢祖德旭康熙丙午拔貢考授



國子監正藍旗教習。父以珥。康熙丁酉舉人。雍正  
癸卯進士。歷官某處知州。階奉直大夫。生君兄弟  
二人。長某。早世。君幼卽聰敏。強記。性孝友。嘗隨奉  
直公之任。年二十。奉直公促之歸。應試。卽補諸生  
第一。而自是。每試輒第一。而省試。輒亦屢薦。不售。  
無何。奉直公卽世。君哀毀踰禮。旦夕哭奠。唯謹。家  
人生產事。絕不問。而會奉直公官某時。承辦某事。  
踰十年。奉部檄。咨追白金。以兩計者二千餘。君獨  
任不辭。不以累諸姪。自是產益落。而君日益沉酣。

瓦卮集

卷之四

二

經史與及門諸子講論道德。及古今成敗得失。旁  
及詩賦古文制藝。曰。士以明道爲主。其次亦須周  
於當世之務。藻繪特末技耳。以故遊其門者。率多  
經明行修之士。其補諸生。食廩餼者。先後八十餘  
人。而吳君鳳來。成進士。授廣西岑溪令。未之任。以  
假歸。過余署。每言及君。輒涕涔涔下。曰。是不獨教  
誨我。且飲食我。噫。觀吳君言。卽君德厚可知矣。自  
奉直公卒。君事母孺。人色養備至。迨母卒。哀毀益  
不自勝。數日。須髮盡白。日啜粥一盂。踰四月。竟以



毀卒年僅四十有幾。嗚呼！此所謂文人篤行者非耶？君娶某氏，子二人，長即雲標，邑諸生，次某尚幼。

女二人。

論曰：余讀鄭氏書，見其先世所著述及當時諸公

有此一段議論前起處方不是憑空裝頭

卿所與贈答諸篇，什非獨孝友著也。文章亦懋焉。

張氏以文章稱，浦邑數百載矣。跡君行事，其孝友

此一段安放論贊處亦

亦渠出。鄭氏下哉，而雲標又為余言君嘗為邑令

此史公家法

齟齬，嗾其仇誣以事。寘諸理，將興大獄。會大吏有

知其枉者，得直。然顛躓甚矣。嗚呼！令則何苛於文

瓦卮集 卷之四

三

人也。昔王弼州傳盧枏，備述濬令苛枏狀。令之苛

文人者，前後一轍哉。嗚呼！令而不文，則已。令而文

亦何苦？若是。余令浦二年，值版築方興，簿書旁午

於文人無所推轂，而耳張君被搆事，不能無慷慨

焉。故附著於篇末。

似歐公學司馬子長文字，較毘陵晉江則古較

北地濟南則真斟酌二者，故自盡善。

哀詞

陸母楊太安人哀詞 代友人作有序



楊太安人以辛卯九月卒於內寢嗣君候銓州  
司馬與余爲同學生讀其所撰行實有感焉爲

作哀詞一章

嗚呼衆兆降德兮厥惟女宗嫺習內則兮忠養姑  
翁姑沒翁老兮踰八望九膳飲從遊兮芬芳適口  
中夜調和兮一夕再進滌瀝以滑兮稻粉用浸身

任烹芼兮不以累夫曰君專壹以課子兮惟一經

之是鋤斯識鑒之高朗兮庶孝慈其兩得矧哀哀

之介婦兮託藐孤於一息彼中道而喪所天兮又

瓦卮集卷之四

不自求其年仰妣氏而太息兮抒苦詞以纏綿昔

程嬰與杵臼兮烈丈夫其猶難此何閨中之弱息

兮乃慷慨以肩是有兒讀書兮馳聲脫節轉折處毫無痕迹帝里伊

母子之相成兮固天道亦宜爾調食報於遐年兮

胡青鳥之翩逝鄰春哀而輟相兮吾儕淚滴以盈

皆偕令嗣於成均兮羌誼篤於同禰何秋風之蕭

瑟兮忽皇天其割劉惟安人存順而沒寧兮初何

怛於觀化仰淑德之不再兮悼寒萱之長夜爰陳

楚些兮結撰至思後有惇史兮庶或傳之



巫峽猿啼聞者下三聲之淚

郡伯邱公哀詞

公諱思榮字滇南湖北黃岡人乾隆辛未進士

維乾隆三十有九年歲次甲午夏六月朔四日

皇清誥授朝議大夫知衡州府事邱公卒於官坊

忝治下受公眷顧最深蓋公黃州人也先君子昔

官黃時於先贈公有師弟之誼公垂念舊好禮遇

之隆儕伍莫比公前以名進士出宰山左惠政在

人山左人至今能道之嗣是洊歷郎署辛卯膺

簡命出知岳州未半載移知衡州公為政一持大

瓦卮集

卷之四

五

體不察察為名而綜理周密縣以獄詞上者公悉

心剖鞫務盡其情嘗平反數大獄民得以無枉尤

敬禮士大夫郡負郭有石鼓書院舊為四大書院

之一公延名師課讀每月朔必赴院局門親試凡

甲乙品題皆不假他人手拔其尤者獎借之賞賚

有加以故衡士皆興於學去歲坊蒙邑侯聘主本

邑雯峯書院而邑故有兩書院其一為集賢在南

岳峯下時主席者太史岫嘯曠公公喜謂人曰衡

邑兩掌教皆得人矣蓋公之畱意人才如此而前



歲壬辰。鵬盡公舟過衡山坊。偕同邑孝廉劉生光第。晉謁時前衡邑侯周君先在坐。周君爲公同鄉人。公命畱飲酒半。爲坊細述黃人之所以思慕先君子者。歷今三十餘年。如一日。且謂凡先君子一言一動。以至詠諧趣語。黃人無不耳相傳。以熟下逮兒童。賈豎之能言者。皆知稱先君子爲老師。嗚呼。公未及見先君子也。而所言如此。坊於是且感且泣。歎黃人士之厚。而又幸先君子教澤之深。施及不肖。有餘榮也。時劉君亦相顧歎息。而周君到

瓦卮集卷之四

六

起謂坊曰。此會千載一時。不可無詩以紀觀。覲察外星斗闌于夜過半矣。嗚呼。距今纔一年。有五月耳。中間會合亦非一次。詎謂坊詩未及。俄而公遽作千秋末訣耶。今年三月。芳輿岫嶼同謁。公病於署。公延至臥內。爲詳述病狀。款款如家人。婦子且送至閣門。歸未久而坊亦病矣。杜閣養病。不聞消息。迨公卒踰半月。始得聞訃。坊病不能起。拊膺摧牀。哭不成聲。命兒仍理具辦香致奠。又半月。病少聞。乃力疾起爲哀詞。以抒余情。其詞曰。



公之存兮。衡岳崔巍。而增重公之卒兮。湘流嗚咽。以增哀。農失其所仰兮。士失其所依。軍士相與歎於伍兮。賈豎相與泣於街。而凡七屬之縣大夫師。儒僚佐與夫甲乙科之注名吏部及仕宦歸籍者。無不咨嗟而酸鼻兮。悼哲人之遽萎。繫余小子兮。學踈識寡。辱公惠顧兮。不遺土苴。而哭不克。憑其棺兮。奠不親。置其學。長伏枕而銜哀兮。淚潄潄以雨下。嗚呼。三年。繾綣兮。情抑何長。一紙燕詞兮。情渠能寫。聊粗陳其顛末兮。志余誠之非假。嗚呼。哀哉。

瓦卮集 卷之四

七

敘次明爽詞真而摯兩世交情於茲可見舟  
中飲酒一段寫生何啻太史公只此便足千古  
詩不作可也

祭文

祭茹太翁文

代叔父大人作

嗚呼富而俠俠而文士夫所難獨於公父子見之  
蓋公與余交垂四十年嘗遣其子末年兄弟從余  
遊又嘗遣其子婿陳檢討漪園從余遊漪園數爲



余言公行事又言其兩上長安資斧半出公橐故  
余知公父子最深戊午余孫女許字公孫則末年  
子也故余哭公暨末年喪最悲抑豈獨余悲自今  
以往寧復有富而文而俠如公父子者乎公壯歲  
卽以俠與文名諸生閒家故雄於財當歲歉嘗爲  
粥與餓者又以米貸其遠不能來者蓋爲之三四  
不厭邑大夫異之禮焉異時奉上檄行鄉飲酒禮  
介賓以公邑有大事公父子無不與謀謀無不飲  
以貲昭陵灘石舟上下爲梗公子末年爲言當事  
瓦卮集

卷之四

八

鳩工剡之厥費金三千有奇弗吝行李賴焉當事  
上其事於朝方議官之而末年死矣末年尤長  
於文好交遊賓從雜沓娓娓應接不倦夜一燈達  
旦雜誦不輟率以爲常公亦樂其子之俠而文也  
傾家資付之恣所爲不問肆末年兄弟不獨以富  
聞余嘗讀史至公遠祖忠誠伯軼事有感焉忠誠  
當洪武時在太學值上至見其狀異之遂被知遇  
後官至尙書今公旣一衿終其身末年兄弟亦數  
踏省門不遇昭陵之役末年將得官矣而又不幸



以死嗟乎遇合固自有時何公一家後先仕宦難  
易若斯之殊耶○禮○筆○勁○雖然公後必有興者昔鄭子皮以  
饑故餼國人粟宋司城氏貸而不書君子知其後  
亡以爲民之所歸將必與國升降王賀亦云活千  
人子孫有封公父子活人多矣公次子石麟鍵戶  
讀書不與外事貢入成均冢孫某列上舍仲孫某  
補博士弟子錚錚乎其世未可量也傳云公侯之  
子孫必復其始忠誠伯之功名其在斯乎其在斯  
乎又非獨俠與文而已余獨悲與公交數十年於  
瓦卮集卷之四

九

末年有師弟之誼於其兩世之喪不能無慨於中  
公知之否嗚呼哀哉

寓感喟於頓挫跌宕之中此太史公逸氣而歐  
茅得之以雄視百代者也

祭胡鳳山文代其族人作

嗚呼衡山去瀉寧數百里何自戚公之喪同宗故  
戚之古者重宗道越在他國冠取妻必告死必赴  
篤親親也親盡族單猶必爲宗子宗婦齊衰三月  
尊祖也春秋時有小功不稅者曾子譏之獨未嘗



爲族人制服蓋五世袒免窮矣然先王制族相爲  
當弔必弔當免必免賙賻贈含皆正於有司烏有  
等同宗之喪於塗之人者先是猶子某會城邂逅  
公子孝廉太史兩君光風霽月意淵源有自則非  
不知公者溯譜牒同系出則又非名無所於屬者  
是則傷之可弔之可疑衰練冠俯而拜涕洟而趨  
事以同宗之誼戚之亦亡於禮者之禮公先世自  
新淦籍寧家世廩宦獨狎視明經不仕勤於課子  
肆孝廉太史兩君先後掇巍科躋清班孝廉君需  
瓦卮集

卷之四

十

次邑宰女女子若而人咸歸良奧門以內斟掉磬  
逮事父母董萱免薨中裙廁踰罔弗親洎拄楣塗  
廬慈良於喪撫弟姪有恩他掩骼埋胔施舍已責  
人緩急有倚賴嗚呼可不謂德善君子者歟余又  
攷司馬子長自敘多述其父談語其後班固氏姚  
思謙氏皆父子繼世成國史而南齊傅氏世傳其  
有治譜公旣高才博學熟當代典故又雅抱經濟  
且先世嘗有尹山左之利津令閩之未定者脫更  
假數年太史公珥筆 國史館孝廉君出宰名邑



公左提右挈將竣得臣筆而無恤出簡袖中其必有以授之譜奚啻焉而公乃今長逝數乎於公平  
奚。斬。日。月。有。時。孝。廉。君。與。太。史。君。以。公。之。葬。來。告。  
此。於。禮。赴。告。之。義。為。合。蓋。古。之。道。也。古。之。道。重。宗。  
也。宗。之。必。戚。之。余。故。深。惟。同。宗。之。誼。高。公。之。行。而。  
又。幾。孝。廉。君。與。太。史。君。他。日。文。章。政。事。九。吾。宗。於。  
其。窆。也。越。數。百。里。祖。之。侑。以。辭。

章法句法字法古矣然須知其有真古處不得  
以偽體目之

瓦卮集

卷之四

十一

祭吳封君文

代

嗚呼某於公姻也於郡若邑為鄰於他郡若邑均  
鄰於長於攸為邇姻而郡邑鄰且邇宜若深悉公  
而若未深悉公則以姻而郡邑鄰且邇而居趾距  
百里而遙其往來不數其生後其弗悉也宜噫某  
往來婦翁劉氏家舊矣與令孫同坦腹劉則條婿  
也竊嘗微刺公行事知其德厚君子博學能文章  
為攸名諸生年耄也壽而康悉公矣已而聞令嗣  
濟川出理離政嗣宰瓊之定安有政聲悉本公家



教袖簡所授無弗洞中機宜人謂瓊自宋陳堯叟  
明李叔正後罕儷焉則又悉公甚已又幾何時為  
壬辰夏秋交令嗣以公赴至而後知公壽登九十  
虛字用意

有五噫異矣昔晉絳縣人與於城杞之食有與疑  
年使之年師曠知其生魯叔仲惠伯會郤成子承

匡之歲向非使之年即曠無由悉所生甲子故某  
於公年亦必接赴而後知之悉而某又因而知公  
實事用駕敘法如英風之掃秋籜

令嗣之有四也定安之次居長也孫之有十有二  
也曾孫之有十有一也元孫之有二也噫嘻盛矣

瓦危集卷之四  
某於公不可謂悉乎抑猶未深某初知公為名諸  
生初封修職郎接公赴而後知公晉封文林郎知

定安縣事夫令甲邑宰科第出身階文林公以令  
嗣故值國家大慶

覃恩貶封宜矣抑又於公宜公博學能文章於文  
林宜授簡洞中機宜於知定安之縣宜抑德厚於

嚮用五福尤宜公無之而不宜某固無之而不悉  
公哉雖然某竊愧矣昔晉絳縣人生魯叔仲惠伯

會郤成子承匡之歲下至晉悼夫人城杞七十三

會郤成子承匡之歲下至晉悼夫人城杞七十三



年矣。公年過之二十有二。亥有二首六身。下二如身。公甲子過之百有三十而羸。絳縣人辱在泥塗。老而無子。公子若孫若曾元。如大麓之榛楛濟濟。然膺。

綸綍者。再是公於絳縣過之奚啻倍蓰。而某徒稱引絳縣不綦陋乎。然以悉公之後。抑幸悉公之詳且深。姑取其近似罕譬焉。公尚克聽旃。

代作也。二家往來疏數。吾弗知。以意結撰。遂成

蜃市海樓自記

瓦卮集

卷之四

十三

通篇得力在轉層波疊浪。百出不窮。文心變化乃爾。

公祭丁母段孺人文

嗚呼。余等與令夫子暨其弟孝廉君同寓京師。去歲之秋。卽聞孺人之喪。維時諸同人莫不哀之。而孝廉君謀於同人。以謂若以凶問聞於夫子。恐其善病之身。或至傷腎摧肺。焦肝於旅次。非宜。是以闕之者。且一載。洎今秋。令夫子謁選得貴州之永定令。假裝戒車。行有日矣。孝廉君念貴州接壤湖



南孺人之喪終不能闕且聞於途不若聞於旅之  
猶得諸同人相與慰藉也於是乘閒言之而令夫  
子果慟之甚諸同人聞其哭聲者共哀孺人也復  
如去秋焉越數日令夫子哀慟稍定撰次孺人行  
事於是諸同人讀之其哀孺人也較去秋有加焉  
蓋孺人故常寧段氏女而丁氏則清泉右族也常  
與清地犬牙相錯兩家先世均仕宦學問文章相  
鏃礪自孺人歸丁氏舅姑如得孝女妯娌如得友  
弟臧獲如得慈母閩里族黨如得仁人孺人較夫  
瓦卮集

卷之四

十四

子長二歲卒時年四十有九有三子長補諸生次  
年二十矣隨侍京師有至性聞孺人之喪哀毀幾  
至滅性幼亦十餘歲皆讀書能自立孺人撒手去  
無小兒女可挂慮者異時令夫子請於

朝得封贈先舅姑孺人亦與邀

不。哀。之。哀。其。哀。更。甚。

恩施身後之榮無過於此而余等與孝廉君可無  
哀矣令夫子與嗣君哀亦可稍殺矣燕臺萬里濁  
酒寄奠孺人尚克知之否嗚呼哀哉尚饗

哀字通篇線索而音致蒼涼文之以情勝者



祭羅母文

嗚呼。余耳孺人之賢。舊矣。洎丙子館其家塾。得拜孺人於堂上。自是歲時請見。未嘗不闔門與言。蓋以姻故。且以館益熟也。余讀北齊顏之推家訓。深致嘆於孝己伯奇之事。以謂家不幸而後有此。而王祥以孝聞。高義母陳穆姜及芒卯妻以慈聞。謂非人性淑。慝攸分耶。方孺人之繼室於羅也。前母有三子。幼尚襁抱。孺人撫之不啻己出。乃孺人生三子。皆不育。無何而嫠。使孺人稍有異心也者。朱

瓦卮集

卷之四

十五

使。子。妙。是。文。章。披。瀾。

顏方盛血。應藐如亦。孰得執柏舟義。以繩之孺人。曰。前母之子。非吾子也歟哉。且此號嗷者。垂髫者。誰實教之。俾成立。死者有知。其不瞑於九京矣。吾終爲羅氏鬼耳。嗚呼。古今士大夫負氣節。自謂可以託孤寄命。及臨難。輒委而去之。以視孺人。豈不須眉有媿巾幗哉。孺人課諸孤。慈而有嚴。諸孤咸克自振拔。束身砥行。不忝前修。其事孺人。初不知爲繼母也者。數十年間。以內無纖毫閒言。蓋至諸

孫皆成立。且娶孫婦矣。孺人猶綜理家政。不怠中



廚管鑰諸婦請而後行暇則復軋軋弄機杼此與  
魯敬姜老而猶績奚異昔翟方進遊學京師後母  
憐其幼孤爲織屨資給孺人處羅氏家世鼎盛無  
需此妾妾要其勤爲有合於敬姜勞逸之旨自孺  
人守節數十年田疇所入較昔倍之莪之屋以楹  
計且什之然則孺人不獨無負託孤寄命抑且爲  
拓土開疆之功臣矣今諸孤哭孺人情文兼至鄉  
黨族人可謂曰孝實孺人有以致之且夫有孺人  
○讀○之○如○春○風○被○人○沁○入○肌○脾○  
之慈而後可以成諸子之孝抑必有諸子之孝乃

瓦卮集

卷之四

六

益徵孺人之慈禮稱喪服繼母如母傳曰配父也  
與因母同孝子不敢殊焉諸子之孝合於禮矣余  
於孺人之葬不能無言以送以姻且館故爾抑以  
姻且館故悉爾而孺人已不復闔門與余言矣嗚  
呼哀哉尚饗

總與俗調迥別是真讀書人筆墨

銘

古硯銘

宋製也中微凹而缺一處



缺其腹。歆然有所不足。劓其中。坦然如有所容。

竹牀銘

宜夏之晝。宜元亮之徒。君子以適。小人以愉。

杖銘

古木勁挺。助我周行。噫吁嘻。堂堂乎張。

桔槔銘

我有池水。引之至田。魏無知之於陳。平叶。

又

漢陰丈人。迂且腐。巧不累理。君子所許。

瓦卮集

卷之四

碁銘

黑白彼此爭戰之始。

玉斗銘

象有此有瑕

其外孔方。而中有容。其瑕人皆見之。君子之過。君子之隆。

古銅瓶銘

其質銅。而其色黝。而注之以水。而清而。

屏風銘

蔽吾之醜耶。掩吾所有耶。君子之表裏如一而已。



蓋無敢苟也。

黑紙燈罩銘

借小物揭出孟韓婆心作者喻糜汁恁地不浪費

為紙燈罩墨染之以養目其體規圓而色純黑友人戲目為和尚之帽乃為銘曰

噫。此。豈。釋。氏。之。帽。耶。為。儒。為。釋。其。辨。蓋。在。於。毫。釐。之。際。而。非。徒。觀。乎。其。貌。矣。抑。此。之。為。物。蓋。元。之。又。元。又。庶。幾。乎。老。氏。之。教。矣。彭。子。將。伴。之。以。讀。書。終。身。其。必。有。以。闕。乎。儒。者。之。深。而。後。可。折。夫。二。氏。之。非。聖。道。矣。亶。如。是。抑。何。至。於。睥。子。之。眊。矣。

瓦卮集 卷之四

七

箴

食榼箴

儀岳居官能貧於此想見

謂。是。行。廚。而。貯。甚。微。疏。食。宜。貧。三。秀。療。饑。屬。饜。小。人。之。腹。知。足。君。子。之。心。古。鼎。饗。饗。百。爾。是。箴。

贊

燈光贊

謂。光。在。燈。孰。瞽。能。見。謂。光。在。目。孰。見。於。冥。燈。光。目。光。體。用。焉。居。惟。厥。相。資。茲。光。有。餘。噫。此。舜。之。所以。為。大。智。而。師。心。自。用。者。之。卒。歸。於。下。愚。也。歟。



像贊

顏翁像贊八章章四句

乍驚見公淵。甬山庭儀表魁偉。鬱焉典型。諦聽公語寂焉無聞。乃知畫師繪影繪神。憶見公年今距十五。中間會合難更僕數。惟歲丁丑鄉飲舉公健。不鳩扶登降禮頌。秩秩橋門青青衿子。肅肅官師雍雍樂只。令甲有經命服章衣公退。歉然鄉里公師。鄉里之師。天子之賓。騎箕胡遽。天道寧論。公神不死。雲駕瓦卮集。卷之四。五。欽峯我題公像千載猶今。

丁翁像贊

距公之居餘十里耳。胡不晤公。覲公於昏。覲公於昏。晤公如矣。公神則存。匪云形似。欽奇歷落宜巖壑裏。厥有圖書有秩其几。樂此不疲。曰庶幾爾。八十之年。息公以死。厚德必昌。我知天咫。遐以贊公。榮公婉美。

張文學暨配于孺人像贊

丹山有鳳。偕其凰。只機軋未緯。顧影雙只。道真純。



粹。眇。青。雲。只。鑽。笮。經。史。殊。咫。聞。只。奮。榮。不。見。璞。則。  
完。只。巧。匠。袖。手。闕。編。爛。只。中。道。捐。背。鳳。獨。嫻。只。來。  
降。燕。睇。厥。屏。營。只。佳。士。寫。真。宛。其。肖。只。對。坐。儼。而。  
靜。弗。掉。只。叩。則。謂。何。操。不。聿。只。覩。縷。匪。誣。詳。以。悉。  
只。令。子。誣。諉。劇。難。辭。只。而。子。而。昌。遨。雲。達。只。

劉靜齋像贊

此何人者垂紳帶纒此何官者周禮惟士其十全  
爲上翁渠十止越人活人人有活理翁之活人亦  
復爾爾人曰不然翁於靈素窮厥肯綮翁登於年  
瓦卮集卷之四  
式瞻天咫我贊翁遺容而翁其不死矣乎

啓

爲諸生上督學請序左萬瞻遺文啓

竊。惟。士。之。不。遇。而。窮。困。以。死。者。或。其。文。有。可。採。則。  
必。賴。有。當。世。之。大。人。先。生。爲。之。表。而。揚。之。以。傳。於。  
世。蓋。其。位。望。德。業。素。爲。天。下。所。取。信。故。言。一。出。而。  
人。無。異。議。也。伏。見。已。故。原。任。長。沙。府。學。訓。導。左。某。  
者。身。處。窮。困。志。切。編。摩。歷。試。而。俱。列。前。矛。入。闈。則。  
屢。遭。別。足。爰。以。癸。酉。拔。貢。



朝考湖南第一得授前官旋以外憂解職恭逢大  
宗師文章月旦人物權衡採其虛名置之蓮幕隨

輶數月恩遇彌深而左賦命奇窮

文情排剔讀之令人年才四十二豎

忽侵纏綿湯藥遂致不起酸鼻現今破屋三間荒涼江

上寡妻弱子啼饑號寒斯誠荼毒之極哀者矣其

遺文零落散在生徒生等不忍聽其心精磨滅漸

次撰錄稍成一編將授之梓剗刪之費一出生徒

但以左年不及中壽名不列科甲聲望闕然恐不

足以傳世行遠伏望大宗師俯念前時一顧之恩

瓦卮集

卷之四

五

慨償駿骨千金之價賜以序文藉光梨棗則一言

重於九鼎左得藉以不朽矣昔柳柳州以窮謫死

劉中山爲序其文以傳李長吉以年少亡杜樊川

爲序其詩行世此皆前代刳心績學之士身不遇

於生前名猶未於身後特有當世鉅公爲之表章

故也今左雖不敢上擬柳李二公而秋墳鬼唱或

亦待此瞑目生等無任惶悚懇切待命之至

文格頗類六朝而氣體甚高由其筆手清絕故

也



徵同菴劉公七十壽言啓

蓋聞祝融英發。爲沐日浴月之鄉。响嶺峯尖。有披  
薤拳科之字。仙芋種畱巖畔。啖餘曾記李侯。丹砂  
泉出石源。飲罷還同葛令。由來德祉。必屬高人。見  
說耆英。多生福地。如我同庵。劉公家傳七業。世擅  
三長。安城太守之茂勳。名標晉紀。魏元夫人之眞  
誥。跡著仙經。爰自朱明。來遷赤嶽。洎乎贈公。屏山  
先生。幼耽鉛槧。長列膠庠。璧水文波。環向橋門。觀  
聽泥金。

瓦卮集

卷之四

三

紫誥重邀

魏闕恩榮。蓋在贈公。實誕先生。兄弟

七人。元方旣終。老明經。仲子復榮。登仕版。且也一  
門多雋。七穆俱賢。先生性秉通明。情敦孝友。踰冠  
而代綜家政。不勞簡授。於庭幃。旣孤而每值。烝嘗  
益見情深。於皮閣。況復繼慈。猶在同氣。最多鶴髮  
鬢鬆。八十扶持。不懈鶴毛。摧落中宵。涕泪頰聞。是  
則銜恤。有過蓼莪。孔懷更深。常棣者矣。若乃怡情  
墳典。篤志編摩。宗工皆奉。以文豪。舅氏更推。爲國  
器。而乃龍門多阻。投竿止拂。珊瑚狗監。難逢作賦。



徒敲金石先生爰因近例挂籍成均長嘯踞牀風  
月惟呼老子傳經就塾科名姑付兒曹既封胡羯  
未之皆才亦禮樂詩書之兼肆肆孝廉君得蜚聲  
於虎榜而諸羣從多振藻於鱣堂此則先生教思  
之勤抑由德門福履之盛乃其睦族尤屬仁心至  
若周貧更多義舉螢窓鑿壁資以膏油馬鬣營封  
之氣溢於行開俗吻所無助之沐椁趙氏下宮之難疇恤孤兒樂昌破鏡之  
飛誰憐去婦先生則中懷懇惻簿對詳明茂宰既  
歎爲剛方窮肥得全其家室他如公祠之葺義穀  
瓦卮集卷之四  
之施佃減租單室無長物顏之推家訓雍睦一庭  
黃叔度鄉評汪洋千頃凡茲德厚並徵三壽之祥  
悉厥猷爲應敘全疇之福茲值嘉平之月實爲初  
度之辰七十歲神明不衰六千年花實重茂請緣  
頌禱稍罄揄揚崧嶽降神歌申甫之詩肆好周廷  
馘穀祝岡陵之味九如將藜杖照餘猶映靈椿之  
字庶桂花後益添海屋之籌貺比瑤函輝騰錦  
軸謹啓

先君子集末附入四六二篇事關節義道學其



行文氣體亦在歐蘇之間若此篇則一時應酬  
行文不出近世陳檢討一派姑以當時組織頗  
工存之自記

是四六當行

瓦卮集

卷之四

詩

10799



